



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2015. GODINU NAPREDNE DEMOKRATSKE STRANKE

Broj: 03-07-6-315/16
Sarajevo, 16.06.2017. godine

SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole.....	4
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI.....	5
5.2 PREPORUKE.....	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Napredne demokratske stranke za 2015. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2015. godinu, utvrđeno je da je Napredna demokratska stranka prekršila odredbe člana 11. i člana 12. Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Napredne demokratske stranke za 2015. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Napredna demokratska stranka se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	15.030,00	100,00
8.	Prihodi od propagande (3-g)	0,00	0,00
9.	Ostali prihodi	0,00	0,00
I	Ukupni prihodi (1-9)	15.030,00	100,00
II	Kreditno zaduženje kod banaka	0,00	0,00
	Izvori finansiranja (I+II)	15.030,00	100,00

U godišnjem finansijskom izvještaju stranka je iskazala ukupne rashode u iznosu od 14.489,02 KM.

2. PREDSTAVLJANJE POLITIČKE STRANKE

Naziv političke stranke: Napredna demokratska stranka. Skraćeni naziv: NDS.

Napredna demokratska stranka upisana je u registar kod Općinskog suda u Sarajevu, rješenjem broj: 065-0-F1-12-000004 od 08.03.2012. godine.

Sjedište političke stranke je u Ilidži, Mala aleja 40.

Lice ovlašteno za zastupanje stranke je Jasminka Viteškić, VD predsjednika.

Lice ovlašteno za finansijske izvještaje za 2015. godinu je Adnan Kozić.

Prema podacima iz godišnjeg finansijskog izvještaja za 2015. godinu, Napredna demokratska stranka ima sljedeću organizacionu strukturu:

-NDS i

-OO NDS Ilidža.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Napredne demokratske stranke za 2015. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Napredne demokratske stranke obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled i kontrolu godišnjih finansijskih izvještaja Napredne demokratske stranke za 2012., 2013. i 2014. godinu, nakon čega su izdati izvještaji o pregledu sa mišljenjem revizora, nalazima revizije i preporukama.

Nakon izvršenog pregleda godišnjeg finansijskog izvještaja za 2014. godinu, Služba za reviziju je izdala izvještaj o pregledu sa mišljenjem revizora, nalazima revizije i preporukama stranci da poslovne knjige vodi u skladu sa računovodstvenim propisima, odnosno da uspostavi potpune i tačne evidencije o prihodima i rashodima, da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i da poštuje i druge propise, prevashodno poreske, iz kojih proističu dodatne obaveze i troškovi.

Nerealizovane preporuke:

Na osnovu uočenih nedostataka u godišnjem finansijskom izvještaju za 2015. godinu, utvrđeno je da Napredna demokratska stranka nije ispoštovala date preporuke.

5. NALAZI I PREPORUKE

5.1 NALAZI

Napredna demokratska stranka prekršila je odredbe člana 11. i člana 12. Zakona o finansiranju političkih stranaka.

Napredna demokratska stranka nije uspostavila potpune evidencije o svojim prihodima i rashodima i nije obrasce finansijskog izvještaja u skladu sa Pravilnikom o godišnjim finansijskim izvještajima političkih stranaka-u daljem tekstu: Pravilnik¹, čime je prekršila odredbe člana 11. i člana 12. Zakona o finansiranju političkih stranaka.

- Napredna demokratska stranka je u godišnjem finansijskom izvještaju iskazala prihode iz budžeta u manjem iznosu za 90,20 KM, čime je prekršila odredbe člana 13. i 19. Pravilnika.

Uvidom u poslovne knjige i finansijski izvještaj, utvrđeno je da je stranka iskazala prihode iz budžeta Općine Ilidža u ukupnom iznosu 15.030,0 KM, što je za 90,20 manje u odnosu na ostvarene prihode.

Stranka je u manjem iznosu za 90,20 KM iskazala i troškove zakupa poslovnog prostora, čime je prekršila odredbe člana 21. i 22. Pravilnika.

- Uvidom u analitičku karticu prometa transakcijskog računa broj: 1941020089606125, utvrđeno je da stranka nije u obrascu 2 (pregled prometa svih transakcijskih računa političke stranke) pravilno iskazala početno stanje novčanih sredstava, čime je prekršila odredbu člana 11. Pravilnika.

¹ „Službeni glasnik BiH“ br. 96/13.

Prema podacima sa izvoda broj 1, početno stanje novca na dan 01.01.2015. godine iznosilo je 487,99 KM, dok je stranka u obrascu 2 iskazala početno stanje u iznosu od 0,00 KM.

- Pregledom godišnjeg finansijskog izvještaja utvrđeno je da stranka nije u poslovnim knjigama pravilno evidentirala i u godišnjem finansijskom izvještaju iskazala početno stanje na dan 01.01.2015. godine i saldo gotovog novca u blagajni na dan 31.12.2015. godine, čime je prekršila odredbu člana 12. Pravilnika.

Stranka je u poslovnim knjigama i obrascu 2-1 (pregled stanja blagajne) iskazala početno stanje gotovog novca na dan 01.01.2015. godine u iznosu od 710,00 KM. Kontrolom blagajničkih izvještaja, utvrđeno je da stranka na dan 31.12.2014. godine, odnosno 01.01.2015. godine nije imala gotovog novca u blagajni.

Prema podacima iz Dnevnika blagajne za period 28.11.-23.12.2015. godine, koji je dostavljen kao posljednji blagajnički izvještaj za 2015. godinu, stranka u blagajni na dan 24.12.2015. godine nije imala gotovog novca, dok je u poslovnim knjigama iskazala sredstva u iznosu od 1.210,00 KM.

Služba za reviziju je, takođe, utvrdila da je promet ulaza u blagajničkim izvještajima evidentiran u manjem iznosu za 500,00 KM.

- Uvidom u dodatnu finansijsku dokumentaciju utvrđeno je da su na osnovu odluka predsjednika OO NDS Ilidža, iz blagajne stranke isplaćene naknade za rad mjesnih odbora u ukupnom iznosu od 1.600,00 KM. Sredstva su isplaćena na ime troškova telefonskih usluga. Stranka je suprotno odredbama člana 22. Pravilnika sredstva isplaćena fizičkim licima na ime troškova telefonskih usluga iskazala kao troškove raznih usluga.
- Napredna demokratska stranka je izvršila isplatu sredstava po osnovu naknade za rad i toplog obroka fizičkom licu u ukupnom iznosu od 5.500,00 KM. Uvidom u poslovne knjige, utvrđeno je da je stranka na sredstva koja su isplaćena ovom fizičkom licu putem transakcijskog računa, u iznosu od 2.000,00 KM, obračunala i uplatila porez na dohodak i doprinose.

Obzirom da stranka nije obračunala porez na dohodak i doprinose na sredstva koja su isplaćena fizičkom licu u gotovom novcu putem blagajne u iznosu od 3.500,00 KM, troškovi i obaveze po ovom osnovu nisu evidentirani u poslovnim knjigama, niti iskazani u finansijskom izvještaju.

5.2 PREPORUKE

Preporučuje se Naprednoj demokratskoj stranci da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da poslovne knjige vodi u skladu sa računovodstvenim propisima, odnosno da vodi potpune evidencije o prihodima i rashodima,*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i*
- *da poštuje i druge propise, prevashodno poreske, iz kojih proističu dodatne obaveze i troškovi.*

KOMENTAR:

U ostavljenom roku, Napredna demokratska stranka nije dostavila primjedbe na Preliminarni izvještaj o pregledu godišnjeg finansijskog izvještaja za 2015. godinu.

šef Odsjeka za revizijske poslove, revizor

Sanja Tošović

Pomoćnik revizora

Mr. sc. Goran Cicović

šef Službe za reviziju

Mr. sc. Hasida Gušić